

Headline	Pendidikan benteng kekuatan ummah		
MediaTitle	Berita Harian		
Date	26 Jun 2014	Color	Full Color
Section	Supplement	Circulation	314,000
Page No	4	Readership	942,000
Language	Malay	ArticleSize	415 cm <sup>2</sup>
Journalist	N/A	AdValue	RM 14,305
Frequency	Daily	PR Value	RM 42,916



# Pendidikan benteng kekuatan ummah



Ahmad Nazlan bergambar kenangan bersama peserta seminar di Dewan Kuliah Utama, ADTEC di Jerantut.

**Jerantut:** Setiap pelajar perlu memanfaatkan peluang yang ada termasuk ketika menyertai Seminar Bimbingan Peperiksaan SPM tajaan Tabung Haji (TaHa) untuk ahli Kelab TaHa bagi memastikan mereka mampu meraih kejayaan yang lebih cemerlang dalam meningkatkan daya saing bangsa dan agama.

Ahli Parlimen Jerantut, Ahmad Nazlan Idris, berkata setiap pelajar yang juga bakal pemimpin masa depan negara tidak sewajarnya mengabaikan pendidikan kerana ia adalah bekal untuk jaminan masa depan diri serta sebagai benteng kekuatan ummah.

"Lihatlah sekeliling anda, negara yang miskin kebanyakannya mempunyai tahap celik huruf yang rendah, lebih memburukkan keadaan negara terbahit sering porak peranda kerana tidak memiliki kekuatan minda.

"Oleh itu, jangan abaikan usaha menuntut ilmu dan suruhan agama yang memberi kekuatan jiwa dalam menangani pelbagai serangan minda yang jika tidak ditangani bakal meranapkan keharmonian negara," katanya ketika berucap merasmikan seminar itu di Dewan Kuliah Utama, Pusat Latihan Teknologi Tinggi (ADTEC), di sini baru-baru ini.

**Meningkatkan kefahaman**  
Seramai 291 calon Sijil Pelajaran Malaysia (SPM) memanfaatkan seminar bimbingan peperiksaan itu anjuran Kelab TaHa dengan ker-

jasama Unit Pendidikan BH khusus untuk ahli Kelab TaHa. Yang turut hadir ialah Timbalan Pengarah Tabung Haji Pahang, Johari Ismail.

Justeru, Ahmad Nazlan berkata, hanya dengan memiliki ilmu pengetahuan tinggi sesebuah masyarakat akan dapat membina tamadun bangsanya sendiri dan pada masa sama memastikan negara terus kekal berada dalam suasana aman dan harmoni serta tidak kembali dijajah.

Sementara itu, Pelajar Sekolah Menengah Kebangsaan (SMK) Kuala Krau, Fatin Syahirah Johar, berkata walaupun hanya tiga subjek sahaja yang sempat diajar sepanjang seminar berlangsung, tetapi ia berjaya membawa dimensi lebih baik kepada peserta daripada guru pakar yang menyampaikan ceramah.

"Selepas berbincang dengan rakan peserta, ramai yang me-

nyatakan ia adalah satu pendekatan yang boleh memberi kefahaman yang lebih bagus dan berupaya membantu kami menghadapi peperiksaan SPM yang bakal menjelang tidak lama lagi," katanya.

**Gunakan peluang yang diberi**  
Pelajar SMK Inderapura, Nor Ariesya Nadirah Saiful Hazuni, berkata dia akan menggunakan peluang yang diberi sepanjang menyertai seminar itu untuk meningkatkan kefahaman dan penguasaan dalam pembelajaran serta menjawab soalan peperiksaan.

"Kami berterima kasih kepada pihak penganjur dan penceramah yang membuka ruang kepada pelajar untuk bertanya pelbagai soalan berkaitan teknik menjawab soalan peperiksaan dengan betul," katanya.



Ahmad Nazlan (dua dari kanan) berbual dengan sebahagian peserta seminar.